

# КАНОН СВЯТИТЕЛЮ ФИЛИППУ, МИТРОПОЛИТУ МОСКОВСКОМУ

*Память празднуем 9 (22) января*

## *Тропарь, глас 8-й*

Первопрестольников преёмниче, столпе Православия, истины поборниче, новый исповедниче, святителю Филиппе, положивый душу за паству твою, темже, яко имея дерзновение ко Христу, моли за град же и люди, чтущия достойно святую память твою.

## КАНОН, глас 8-й

### *Песнь 1*

*Ирмос:* Посеченый несекомага пресече, и виде солнце землю, юже не виде; лютаго врага вода потопи, и непроходимое пройде Израиль. Песнь же воспеваешся: Господеви поим, славно бо прославися.

*Припев:* Святителю отче наш Филиппе, моли Бога о нас.

Агнче Божий и Слове, светозарением Святаго Твоего Духа мрачному уму моему светоносную лучу низпосли и слово ми вдохни восхвалити, егоже Сам избрал и приял еси, верх страдальца священнаго Филиппа.

Святителю отче наш Филиппе, моли Бога о нас.

Благодать, святе, Божественную рабу твоему у Бога испроси и разумения мою исполни душу восхвалити житие твое, Филиппе святителю, имже вся удивил еси, подвизався, Господу поя: славно бо прославися.

*Слава:* Великих добродетелей светозарением сияюща твоя детели, преподобне, удивися бо царю крепкому твоему мужеству, яко в наказании к ним язык твой не ослабе, и Господу пояше: славно бо прославися.

*И ныне:* Глаголы Богоглаголивых проповедников о Тебе, Богомати, исполнишася: се бо родила еси, Дево, Младо

Отроча, Адама дрэвняго старэйшо и сопрестольна Родітелю, міра всего на спасэние и тлэния изменэние.

### Песнь 3

*Ирмос:* Утвердїся сёрдце моё во Гóсподе, вознёсся рог мой в Бóзе моём, разширишася на врагі моя уста моя, возвеселихся о спасэнии Твоём.

Святітелю óтче наш Фили́ппе, моли́ Бóга о нас.

Добродéтелей на гóру востéкл еси́, и во мрак видéния вшел еси́, святітелю Фили́ппе, и позна́л еси́, ёлико вмéстно, Непостиж́имаго естество́м. Просвещéния испóлнен быв, óтче, прия́л еси́ Божéственную благодáть.

Святітелю óтче наш Фили́ппе, моли́ Бóга о нас.

Еди́наго Бóга добро́тою ища́ и еди́ну Егó получи́те сла́ву желáя, блажéнне, сла́ву же и честь земна́го пребывáния я́ко преходя́щую оста́вил еси́ и я́ко угóдник просия́л еси́ всех Влады́ки Христа́.

*Слава:* Желáнием дýха плóти желáние увяди́л еси́ и себе́, блажéнне, обручи́л еси́ сожительницу́ чистоту́, от нея́же ча́да тебе́ роди́шася, вся добродéтели, присносла́вне, ча́до тя содева́ющия Невещéственного Свёта.

*И ныне:* Зми́я мы́сленнаго умертви́ла еси́, умертви́вшего Ада́ма в рай и Еве прамáтери соде́лавшаго печать. Жизнь прозя́бши, Дéво Чистая, от тлэ́ния нас свободи́: Бог бо из Твои́х ложéсн прошéд неизречéнно.

Гóсподи, помілуй (*трижды*). Слава, и ныне:

### Седален, глас 8-й

Я́ко Апóстола избрáннаго тезоименіт, óтче, и подражáтель, беды́ претерпéл еси́ и гонéния. Рéвность воображáя проро́ка Или́и и Крестітеля, мýжески обличи́л еси́ беззакóнующия и престóл, ввэ́ренный тебе́, дóбре упрáвил еси́, равное óных течéние скончáв. Я́ко мило́ть, тéло твоё на землі оста́вил еси́, испущáеши, я́ко міро, благоухáния аромáт и, я́ко дождь, изливáеши благодáть духóвну, напо́яя та́йно бразды́ серде́ц на́ших. Фили́ппе святітелю, моли́ Христа́ Бóга грехóв

оставлѣние даровати чтущим любовію святую пámять твою.

Слава и ныне: Яко Дѣву и Едину в женах, Тя, без сѣмене рóждшую Бóга плóтию, вси ублажаѣм, рóди человѣчести: Огнь бо всѣлися в Тя Божества, и яко младѣнца доиши Зиждителя и Гóспода. Тем, Ангельский и человѣческий род, достóйно славим Пресвятóе Рождествó Твоѣ и согласнó вопіѣм Ти: моли́ Христа́ Бóга согрешѣний оставлѣние даровати поклоняющимся véрою Пресвятóму Рождеству́ Твоему́.

#### *Песнь 4*

*Ирмос:* Прорóк Авваку́м умныма очіма провѣде, Гóсподи, Пришѣствие Твоѣ, тем и вопіяше: от юга придет Бог, слава силе Твоѣй, слава снизхождѣнию Твоему́.

Святителю óтче наш Фили́ппе, моли́ Бóга о нас.

Злóбою двѣжимии на тя, незлóбываго áгнца, яко дѣвии звѣрие, востáша, словесы́ твоими, яко остнóм, срѣчеми, не терпяще, яростию поощрѣхуся, святителю Богомудре.

Святителю óтче наш Фили́ппе, моли́ Бóга о нас.

Имѣя тя заступника мир весь и помощника в напáстех, яко бо побóрник véрен и скорый предстáтель, к твоѣй пáстве пририщуция напáстей и бед изымаѣши священными твоими моли́твами.

*Слава:* Испóлнив дóбрыя пóдвиги, тезоимените, желáннаго, Богомудре, сподóбился еси́ безсмѣртія, иде́же, радуясь, венѣц побѣды взял еси́ и вопіеши: слава силе Твоѣй, слава, Христѣ, Пришѣствию Твоему́.

*И ныне:* Крепóсть всех врагóв низложі, Мáти Бóжия, оскорбляющих воспевающія Тя, яко рóждшая Гóспода Славы, невредімо Твоѣ стадо спасай от злых приражѣний, яко да по дóлгу Тя ублажаѣм.

#### *Песнь 5*

*Ирмос:* Мрак души́ моея́ разжені, Светодавче Христѣ́ Бóже, началорóдную тьму изгна́в бѣдны, и даруй ми свет повелѣний Твоих, Сло́ве, да, ўтренюя, сла́влю Тя.

Святителю óтче наш Фили́ппе, моли́ Бóга о нас.

Яко луча́ Правды́ Сóлнца, явися́ міру свѣтлосты́ми

добродѣтелей предстательство твоё, святителю Филиппе, разоряющи́ облак нашедших бед. Ты и ны́не пою́щая в ми́ре сохрани́, и прослави́ я́ красото́ю, и просвети́.

Святителю́ о́тче наш Филиппе, моли́ Бо́га о нас.

Меч обоюдоу́стр язы́к твой показáся, в Хри́стов страх воору́жився, блаже́нне, разу́мно изобличив нача́льствующия во свидѣтельство Хри́сте́ Всецаря́, ви́новна на средѹ́ приводя́, и Божѣственныя Его́ учени́ки.

*Слава:* Нов яви́лся еси́ ре́вностию, я́коже вторы́й Моисе́й, не зна́мении стра́шными удивля́я, на Божѣственныхъ словѣс учѣнии наставля́я, к ти́хому пристани́щу но́ваго Изра́иля от страсте́й Египта изводя́.

*И ны́не:* Облак разу́мный Ты имену́ем, из Тебе́ бо Хри́то́с возсия́, Всенепоро́чная, и пространнейшу́ Ты Небе́с показá: Того́ бо неискусому́жно родила́ еси́, Чи́стая, вопло́щенна за милосѣрдие неисповедимо́е.

## *Песнь 6*

*Ирмос:* Ио́ну в ките, Го́споди, еди́наго всели́л еси́, мене́ же, связа́ннаго мре́жами вра́жиими, я́ко от тли о́наго спаси́.

Святителю́ о́тче наш Филиппе, моли́ Бо́га о нас.

Промы́шление о́бщее творя́ о пасо́мых тобо́ю, е́же бы́ти им душо́ю и се́рдцем еди́но, сла́вне, во Хри́сто́ве еди́ней ве́ре пребыва́ющим, язы́ческия же отривáл еси́ обы́чаи и разделѣ́ния бежа́ти, му́дре, научи́л еси́.

Святителю́ о́тче наш Филиппе, моли́ Бо́га о нас.

Ре́вностию Хри́сто́вою поостри́всья, я́рость самодержáвнаго на кро́тость преложи́ти тща́лся еси́ и к прещѣ́нием царѣвым непрекло́нен отше́д был еси́, я́ко Хри́стовых за́поведей дѣлатель, и показáлся еси́ я́ко кре́пок хра́брник, за па́ству твою́ пострада́в да́же до сме́рти, раду́ясь.

*Слава:* Светоно́сную лучу́, сия́ющу во мра́це жити́я сущим, святителю́ Филиппе, ви́дим тя, и я́ко свещу́ неугаси́мую, Невещѣственному приобщи́вшася Свѣту, и вся освеша́юща концы́, и тьму неразу́мня отъѣмлюща.

*И ны́не:* Ты иногда́ написа́ скрижа́ль, Богоо́бразне во

проро́цех Моисе́й, свѣщник же Свѣта, и сень, и жезл процвѣтшій, Всенепоро́чная, и ста́мну, ма́нну носящую, и ле́ствицу, ёюже возведо́хомся от земли́ к Высотѣ́.

Го́споди, помѣлуй (*трижды*). Слава, и ныне:

### **Кондак, глас 3-й**

Правосла́вия наста́вника и и́стины провозвѣстника, Златоуста́го ревни́теля, Росси́йскаго свети́льника, Фили́ппа премудра́го восхва́лим, пи́щею словѣс своихъ разуме́но ча́да своѣ пита́ющая, тоя́ бо язы́ком хвалѣние поя́ше, устна́ма же пѣние веща́ше, я́ко тайнникъ Бо́жия благода́ти.

### **Икос**

Прииді́те, любострада́льцы, пѣниемъ и пѣсньми духо́вными па́мять священному́ченика соверша́юще, Божѣственне возвесели́мся, вре́мя на́шего весѣлія и натрижне́ния наста́, в не́же приѣмлемъ страсте́й разреше́ния дар: я́ко бо столпъ о́гненъ яви́ся, попада́ющъ беззаконну́ющихъ главы́, ве́рныхъ же просвѣща́ющъ ду́ши уче́ньми Богоразу́мیا и в Божѣственный Градъ, Го́рний Иерусали́м, я́ко друга́го Изра́иля, вводя́щъ, я́ко уче́никъ Бо́жия благода́ти.

### **Песнь 7**

*Ирмос:* На по́ле Де́йре иногда́ мучи́тель печь поста́ви на муче́ние Богоно́сных, в не́йже три о́троки песносло́вяху Еди́наго Бо́га, тро́ично воспева́ху, глаго́лющи: отце́в Бо́же, благослове́н еси́.

Святите́лю о́тче нашъ Фили́ппе, моли́ Бо́га о нас.

Укра́шен боголе́пно, Го́споду предста́л еси́ добродѣтельными по́двиги, вене́цъ же нося́ страда́ния, испещре́н крова́выми ка́плями, святите́лю Фили́ппе. Те́мже соверша́ющая светонóсную па́мять твою́ прѣсно помина́й и пою́щия: о́тецъ на́шихъ Бо́же, благослове́н еси́.

Святите́лю о́тче нашъ Фили́ппе, моли́ Бо́га о нас.

Фараони́т мы́сленныхъ враго́в ополче́ния, блаже́нне, избе́г, легко́ преше́л еси́ к Го́рнимъ, та́мо водворя́ясь, иде́же по́честь

славы получи́в терпением во свете праведных, в радовании святыхъ воспе́вая: о́тецъ на́шихъ Бóже, благословен еси́.

*Слава:* Хва́лятъ тя, блажа́ще, любóвию прити́чушии к ра́це тво́ей, блаже́нне, в ней бо мо́щи тво́я целу́юще, обильно благода́ть прие́млют: прикоснове́нием бо вред очес исцели́л еси́ и болéзнь зубóв облёгчил еси́ пою́щих: о́тецъ на́шихъ Бóже, благословен еси́.

*И ныне:* От любвѣ душевныя вопию́ Ти, Влады́чице: пресвѣтлаго Солнца о́блаче, спаси́тельная двѣре, Небѣсная врата́, лѣствице мы́сленная, всех христиа́н мольбу́ приими́, Ты блажа́щих, наде́жду душ на́ших, и Сы́ну Твоему́ зову́щих: о́тецъ на́шихъ Бóже, благословен еси́.

### *Песнь 8*

*Ирмос:* Покрыва́яй вода́ми превы́спренняя Сво́я, полага́яй мо́рю пределъ песокъ и содержи́ вся, Ты поётъ со́лнце, Ты сла́вит луна́, Тебѣ прино́ситъ песньъ вся тварь, я́ко Содѣтелю всех во ве́ки.

Святителю́ о́тче нашъ Фили́ппе, моли́ Бóга о нас.

Цели́ши незави́стно ве́рно призыва́ющия тя, я́ко предста́в, а́бие разсла́бленна возста́вил еси́ и стра́ждущему ятро́ прикоснове́нием ручны́м уврачи́л еси́, уны́нием скорб́яща явлéнием твои́м в ра́дость претвори́л еси́, присно де́йствуя вся, блаже́нне, всем во ве́ки.

Святителю́ о́тче нашъ Фили́ппе, моли́ Бóга о нас.

Честь многоце́нную твоему́ ве́рху страда́ния венецъ, я́ко победоно́сцу, живоно́сною десни́цею Зижди́тель возложи́, всеблаже́нне, те́ло же твоѐ соблюде́ невредимо́ от боко́в земленыхъ, испуща́юще благоуха́ния аромáт. Си́це ты просла́ви Подвигополо́жник во вся веки.

*Слава:* Шата́ния и бра́ни междоусóбныя укроти́, и свирѣпею́щия во́лки на ста́до твоѐ, блаже́нне, я́ко и́стинный па́стырь, моли́тв твои́х па́лицею далече́ отжени́, и востáния язы́ков покорí: да я́ко предста́теля ты воспева́ем во ве́ки.

*И ныне:* Щито́м ве́ры храмъ Твойъ святы́й, Богоро́дице Дѣво, сохрани́, и в немъ славослóвлящия Ты кúпно сла́вы Твое́я сподóби, и находя́дения ва́рварскаго и томлѣния ихъ изба́ви ны, ума́ на́шего во́лны свирѣпы́я укроти́ моли́твою Твое́ю, Всепѣтая.

## Песнь 9

**Ирмос:** Благословѣн Господь, Бог Израилев, воздвигнувший рог спасения нам в дому Давидове, отрока Своего, в нихже посети нас Восток с высоты и направил ны есть на путь мира.

Святителю отче наш Филиппе, моли Бога о нас.

Едино естество Троицы богословил еси, суетным же поучающийся смело, всемудре, обличив и Божественными наказаніи твоими верныя увещав, мудре укрепил еси, Ангелов сожителю, святителю Филиппе, память твою празднующия в мире соблюди.

Святителю отче наш Филиппе, моли Бога о нас.

Юношам немованіе срѣдно присвоеніе бываѣет, но отцем любезно войстинну. Ты же, отче, прими наше сие благодареніе, не яко достойно истинно твоея хвалы, но яко от усердія тебе приносимо: не бо можем лепотно хвалити тя и величати.

**Слава:** Яко апостолов сопрестолен и учеников сликовен, святителем равночестен, страстотерпче Филиппе, предстательством твоим поущия тя в мире сохрани и православных рог возвыси, варварская же свирепства низложи, да, радуящися, поем, тя величающе.

**И ныне:** О Света приятелище, Богорадованная Владычице, святителем войстинну утверждение и преподобным похвало! Спаси ны от бед, и обстояний, и языков нашествия, воспевающия Тя, Многопетую.